

RESOLUCIÓN

Asunto: Concesión de subvención nominativa aos Centros de Ensino

Expte.: 2024/EGFAB/000061

I. No artigo 28.9 das Bases de Execución do Orzamento para 2024 prevese a concesión das seguintes subvencións nominativas aos Centros de Ensino:

Partida	Beneficiario	Importe (€)
82.326.048.905	CEIP Isidro Parga Pondal	9.880,00
82.326.048.905	CEIP Rabadeira	10.280,00
82.326.048.905	CEIP Valle-Inclán	10.740,00
82.326.048.905	CEIP Luis Seoane	8.740,00
82.326.048.905	CEIP Oleiros-Juana De Vega	9.440,00
82.326.048.905	IES María Casares	11.860,00
82.326.048.905	IES Miraflores	11.020,00
82.326.048.905	IES Neira Vilas	9.190,00
	TOTAL	81.150,00

II. Comunicada a previsión da concesión da subvención nominativa os Centros educativos públicos de Oleiros, todos eles presentaron solicitudes de subvención, que son as seguintes:

NIF	CENTRO	Data solicitude	Rx. Entrada	Importe solicitado
Q6555512J	CEIP Isidro Parga Pondal	07/03/2024	2024004854	9.880,00 €
Q6555067E	CEIP Rabadeira	08/03/2024	2024005019	9.380,00 €
Q6555750F	CEIP Valle-Inclán	08/03/2024	2024005003	10.720,00 €
Q1555001E	CEIP Luis Seoane	20/03/2024	2024005659	8.740,00 €
S1500117E	CEIP Oleiros-Juana De Vega	08/03/2024	2024004945	9.440,00 €
Q6555854F	IES María Casares	13/03/2024	2024005251	11.660,00 €
Q1500255C	IES Miraflores	20/03/2024	2024005729	11.020,00 €
Q5355191G	IES Neira Vilas	20/03/2024	2024005712	8.530,00 €

En ditas solicitudes fan constar, entre outros extremos, que non están incursos en causas de incompatibilidade ou incapacidade para percibir subvención, que se atopan ao corrente nas súas obrigas tributarias e coa Seguridade Social, e que autorizan ao Concello para solicitar de oficio as consultas necesarias a estas Administracións.

III. A Concelleira delegada de Ensino e Xuventude emitiu providencia de incoación do expediente o día 15/04/2024, na que se ordea que polo Pedagogo Municipal se emita o informe-proposta dirixido á Sétima Tenenta de Alcalde, delegada de Cultura e Normalización Lingüística, Ensino e



Xuventude, no que se detallen as condicións da concesión. Posteriormente, que se emita informe pola responsable da Unidade Xurídica e se efectúe a tramitación subseguinte.

IV. As cantidades consignadas no orzamento obedecían ao seguinte reparto, baseado nos datos do curso precedente:

- a) Por cada unidade de educación infantil: 250 euros.
- b) En función do nº de alumnos do centro: 20 euros por alumno.
- c) En función do nº de participantes na Viaxe obrigatoria do alumnado do Bachibac: 70 euros por alumno.

No presente curso os datos variaron, de xeito que a algún dos centros correspóndelles unha cantidade inferior á prevista, e pola contra a outras corresponderíalles un importe superior.

Porén, as cantidades consignadas nas Bases de execución operan como máximos, polo cal a estes últimos centros débeseles conceder como máximo o importe consignado nas BEO.

V. O Pedagogo Municipal formulou a súa proposta o 08/05/2024.

VI. Incorporáronse ao expediente os certificados de que todos os centros están ao corrente nas súas obrigas tributarias coa AEAT, Seguridade Social e Concello de Oleiros.

VII.- A proposta foi informada favorablemente pola Responsable da Unidade Xurídica e pola Intervención Municipal.

Fundamentos

1º.- Todas as entidades solicitantes aportaron a seguinte documentación:

- Solicitud.
- Declaración relativa a outras subvencións.
- Acreditación da conta bancaria.
- Declaración acreditativa dos seguintes extremos:
 - ✗ non estar incurso en ningún dos supostos de incapacidade ou incompatibilidade
 - ✗ estar ao corrente nas súas obrigas tributarias e coa Seguridade Social, así como co Concello de Oleiros, e que autoriza ao Concello para solicitar de oficio as consultas de atoparse ao día nas mesmas
 - ✗ cumprir co artigo 13.5 da Lei Orgánica 1/1996, de 15 de xaneiro, de Protección Xurídica do Menor.
 - ✗ Nº de alumnos matriculados, unidades de educación infantil e alumnos da viaxe obrigatoria de Bachibac (no seu caso).

2º.- Todos eles atópanse ao corrente nas súas obrigas tributarias coa AEAT, Seguridade Social, e Concello de Oleiros.

Polo exposto, en exercicio das facultades que foron delegadas a esta Tenencia de Alcaldía a través do Decreto de Alcaldía número 2023003281, de 21 de xuño de 2023,





RESOLVO:

Primeiro.- Autorizar e dispor un gasto de 79.370,00 euros en concepto de subvención nominativa aos Centros de ensino públicos de Oleiros, para contribuír á realización de actividades educativas complementarias e adquisición de material didáctico de carácter funxible no ano 2024.

Segundo.- Conceder aos centros de ensino públicos de Oleiros as subvencións nominativas previstas no orzamento Municipal que se detallan máis abaixo.

Terceiro.- De acordo co establecido no artigo 65.3 do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, as condicións da concesión serán as seguintes:

1.- Obxecto: Axuda aos centros educativos para a realización de actividades educativas complementarias e adquisición de material didáctico de carácter funxible.

1.1. A subvención destinarase aos seguintes fins, que se realicen entre o 1 de xaneiro e o 31 de decembro de 2024:

- a) Actividades diversas de carácter educativo, cultural e deportivo
- b) Eventos e celebracións conmemorativas
- c) Adquisición de materiais didácticos de carácter funxible

1.2. Serán gastos subvencionables (para os fins a) e b) anteriores) os seguintes:

- ✓ Gastos de materiais funxibles necesarios para a realización das actividades.
- ✓ Aluguer de elementos precisos para a realización das actividades
- ✓ Contratacións de persoal externo para o desenvolvemento das actividades.
- ✓ Axudas de custo de profesores acompañantes.
- ✓ Seguros de accidentes das actividades e de responsabilidade civil.
- ✓ Transportes.
- ✓ Outros gastos similares aplicados directamente á organización ou execución das actividades.

2.- Importe:

2.1. As cantidades a conceder serán as seguintes:

NIF	CENTRO	IMPORTE
Q6555512J	CEIP Isidro Parga Pondal	9.880,00 €
Q6555067E	CEIP Rabadeira	9.380,00 €
Q6555750F	CEIP Valle-Inclán	10.720,00 €
Q1555001E	CEIP Luis Seoane	8.740,00 €
S1500117E	CEIP Oleiros-Juana De Vega	9.440,00 €
Q6555854F	IES María Casares	11.660,00 €
Q1500255C	IES Miraflores	11.020,00 €
Q5355191G	IES Neira Vilas	8.530,00 €
	TOTAL	79.370,00 €



2.2. O importe da axuda non poderá exceder de tal contía que, illada ou conxuntamente con outras subvencións ou auxilios que perciba o beneficiario doutras entidades tanto públicas como privadas, exceda do importe do gasto realizado. En caso de que isto ocorrese, o Concello podería minorar a subvención concedida nun importe equivalente a dito exceso.

3.- Aplicación orzamentaria: 82.3260.48905 “*Ensino.Serv.complem. Transf.ctes.APAS e colexios*”

4.-Compatibilidade: Esta axuda é compatible con outras subvencións, axudas, ingresos ou recursos para a mesma finalidade.

5.-Publicidade: A concesión da subvención deberá publicarse na páxina web das entidades beneficiarias desde o intre en que a coñezan. Asemade, o Concello procederá á súa publicación a través da Base de Datos Nacional de Subvencións.

6.- Pago: Efectuarase o pagamento anticipado do 100% da subvención concedida, efectuando unha retención do 40% do importe en concepto de garantía ata que sexa aprobada a xustificación que se especifica a continuación, despois do cal a garantía retida será liberada e aboada ao beneficiario.

7.- Xustificación:

7.1. A xustificación dos gastos realizados deberá presentarse no rexistro electrónico municipal, a través do trámite *instancia xenérica*.

7.2. O prazo de presentación da xustificación remata o día 28 de febreiro de 2025, ás 23:59 horas.

7.3. O orzamento subvencionado a xustificar será o importe total da subvención concedida. No caso de ter outras subvencións ou ingresos concorrentes coa do Concello para o mesmo obxecto, o orzamento subvencionado a xustificar será a suma de todos os ingresos obtidos para os conceptos subvencionados.

7.4. Considerarase gasto realizado, de acordo co artigo 31.2 da Lei Xeral de Subvencións, o efectivamente pagado con anterioridade á finalización do período de xustificación determinado nas presentes bases. Polo tanto deberá acreditarse que se trata de gastos xa realizados e aboados.

7.5. No caso de non atoparse ao corrente nas súas obrigas tributarias e coa Seguridade Social, e de que teña xustificado o cumprimento das condicións da subvención, advertirase á entidade beneficiaria de que non se procederá ao pagamento se no prazo dun mes non xustifica ter regularizada a súa situación tributaria ou social, e declararase a perda do dereito á subvención outorgada.

7.6. A xustificación realizarase mediante unha conta xustificativa que constará dos seguintes documentos:





- a) Memoria da actuación, xustificativa do cumprimento das condicións impostas na concesión da subvención, con indicación das actividades realizadas e os resultados obtidos.
- b) Memoria económica, xustificativa do custo das actividades realizadas, que conterá:
 - ✓ Unha relación clasificada dos gastos e investimentos da actividade, con identificación do provedor ou acredor e do documento, o seu importe, data de emisión e, no seu caso, a data de pago.
 - ✓ Facturas xustificativas dos gastos realizados e o xustificante de telos aboados. Todos os documentos deberán ter data do ano 2024.

O pagamento dos gastos alegados xustificárase do seguinte xeito:

- i. No caso do pagamento mediante transferencia bancaria: xustificante bancario.
 - ii. No caso de pagamentos por cheque nominativo: copia do cheque e extracto bancario onde conste o seu cargo na conta da entidade.
 - iii. No caso de pagos con tarxeta de crédito, resguardo do pago máis extracto da conta da entidade onde se efectuara o cargo.
 - iv. Nos supostos de que non resulte posible a utilización dun dos medios anteriormente citados só excepcionalmente se poderá realizar o pago en metálico para gastos de ata 300,00 € (IVE incluído), e deberá constar na propia factura ou documento equivalente que foi pagado.
- c) Declaración doutras axudas concedidas por outras entidades públicas ou privadas para a mesma finalidade.
 - d) Declaración dos ingresos xerados polas propias actividades subvencionadas, no seu caso.
 - e) Acreditación da publicidade realizada.

7.7. Transcorrido o prazo de xustificación sen que se teña recibido xustificación ningunha, a unidade xestora remitiralle un requirimento á entidade beneficiaria para que a presente no prazo improrrogable de quince días. A falla de xustificación da subvención neste prazo excepcional suporá a renuncia á subvención outorgada, así como a esixencia do reintegro e demais responsabilidades dispostas na Lei Xeral de Subvencións.

7.8. En caso de que o importe da xustificación presentada non acade o 100 por cento da cantidade concedida, efectuarase de oficio unha minoración proporcional da cantidade final a aboar.

Cuarto.- Aprobado os seguintes formularios para a presentación das contas xustificativas:



FORMULARIO 1: CONTA XUSTIFICATIVA DA SUBVENCIÓN A CENTROS EDUCATIVOS PARA ACTIVIDADES EDUCATIVAS COMPLEMENTARIAS E MATERIAIS DIDÁCTICOS PARA O ANO 2024-MEMORIA E DECLARACIÓN DE INGRESOS.

I. Memoria da actuación.

CENTRO EDUCATIVO	
CIF	
NOME E APELIDOS DA/DO DIRECTORA/DIRECTOR	

1. Enumeración e descrición das actividades realizadas
2. Temporalización
3. Participantes

II. Declaración de ingresos.

Como representante da entidade **DECLARO** que: (Marque unha das dúas opcións)

☐	O Centro educativo non obtivo outros ingresos públicos nin privados para o mesmo obxecto que o subvencionado polo Concello de Oleiros
☐	O Centro educativo obtivo as subvencións ou recursos (art. 30.4 da Lei 38/2003 Xeral de Subvencións) que se inclúen na táboa seguinte para o mesmo obxecto que o subvencionado polo Concello de Oleiros:

TÁBOA DE INGRESOS (relación individualizada)

Procedencia (Entidade concedente pública ou privada, usuarios, etc...)	Importe
Ingresos xerados polas propias actividades	
Outros ingresos:	
TOTAL INGRESOS	

Sinatura
Este documento debe asinarse ELECTRÓNICAMENTE polo/a Director/a do Centro educativo



**FORMULARIO 2.- CONTA XUSTIFICATIVA DA SUBVENCIÓN A CENTROS EDUCATIVOS PARA ACTIVIDADES EDUCATIVAS COMPLEMENTARIAS E MATERIAIS DIDÁCTICOS PARA O ANO 2024-
CERTIFICACIÓN DE GASTOS E PUBLICIDADE.**

DON/DONA

Secretario/a do Centro

CERTIFICA:

1º. Que os gastos e ingresos xustificativos da subvención concedida polo Concello de Oleiros no exercicio 2024 son os seguintes:

Actividade 1:					INGRESOS XERADOS POLA ACTIVIDADE
Nº	Provedor	Nº Factura	Importe	Xustificante de pago	
					Importe
Actividade 2:					INGRESOS XERADOS POLA ACTIVIDADE
Nº	Provedor	Nº Factura	Importe	Xustificante de pago	
					Importe
Actividade 3:					INGRESOS XERADOS POLA ACTIVIDADE
Nº	Provedor	Nº Factura	Importe	Xustificante de pago	
					Importe
Actividade 4:					INGRESOS XERADOS POLA ACTIVIDADE
Nº	Provedor	Nº Factura	Importe	Xustificante de pago	
					Importe

Xunto con esta relación de gastos deberán aportarse os correspondentes documentos xustificativos de gastos e pagamentos, ordeados do mesmo xeito que na relación precedente. Todos os documentos deberán ter data do ano 2024.



2º. Que os devanditos gastos non foron presentados como xustificantes de gasto noutras convocatorias de subvencións.

3º.- Que a concesión polo Concello de Oleiros dunha subvención para actividades educativas complementarias e materiais didácticos no ano 2024 foi publicitada do seguinte xeito:

	Publicación do anuncio na páxina web do centro (copiar URL ou enderezo web):
X	desde ata
	Outros medios:

Lugar e data	
Sinatura do/a Secretario/a	Visto e prace, O/a Director/Directora

Este documento debe asinarse ELECTRÓNICAMENTE polo/a Secretario/a e polo/a Director/a do Centro educativo

Quinto.- Recoñecer as obrigas a favor dos centros que se detallan a continuación das cantidades que se especifican, retendo o 40% en concepto de garantía:

NIF	CENTRO	IMPORTE CONCESIÓN
Q6555512J	CEIP Isidro Parga Pondal	9.880,00 €
Q6555067E	CEIP Rabadeira	9.380,00 €
Q6555750F	CEIP Valle-Inclán	10.720,00 €
Q1555001E	CEIP Luis Seoane	8.740,00 €
S1500117E	CEIP Oleiros-Juana De Vega	9.440,00 €
Q6555854F	IES María Casares	11.660,00 €
Q1500255C	IES Miraflores	11.020,00 €
Q5355191G	IES Neira Vilas	8.530,00 €
	TOTAL	79.370,00 €

Sexto.- Que se notifique debidamente ás entidades interesadas, advertíndolles que contra esta Resolución, que pon fin á vía administrativa, poderase interpor ante este mesmo órgano recurso potestativo de reposición, no prazo DUN MES a contar dende o día seguinte ó da recepción da notificación, de conformidade cos artigos 123 e 124 da Lei 39/2015, de 1 de outubro, LPACAP. Tamén poderá interpoñer recurso contencioso-administrativo perante os Xulgados do Contencioso-Administrativo da cidade de A Coruña, no prazo de DOUS MESES a contar dende o día seguinte ao da recepción da notificación, de conformidade co disposto na Lei 29/98, de 13 de





CONCELLO DE
OLEIROS

➤ **EDUCACIÓN**

xullo, da Xurisdición Contencioso-Administrativa. Todo isto sen prexuízo da facultade de interposición do recurso extraordinario de revisión cando concorra algunha das circunstancias previstas no artigo 125 da Lei 39/2015, do 1 de outubro do procedemento Administrativo Común das Administracións Públicas, de formular a solicitude á que se refire o artigo 106.1 da citada Lei, ou de interpoñer aqueloutros que estime procedentes.

En Oleiros, asinado dixitalmente na data que figura na marxe pola Sétima Tenenta de Alcalde, delegada de Cultura e Normalización Lingüística, Ensino e Xuventude, e o Secretario/a accidental, que da fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro).

